

875, 11

DISSERTATIO

INAUGURALIS MEDICA

DE

HÆMORRHOÏDIBUS

QUAM

CŒNSENSU ET AUCTORITATE

ILLUSTRISSIMI AC MAGNIFICI

DOMINI

PRAESIDIS ET DIRECTORIS

CLARISSIMORUM AC CELEBERRIMORUM

D. D. PROFESSORUM

PRO

DOCTORIS MEDICINAE ET CHIRURGIAE LAUREA

SUMMISQUE IN MEDICINA ET CHIRURGIA HONORIBUS ET

PRIVILEGIIS RITE ET LEGITIME OBTINENDIS

IN

CELEBERRIMA C. R. ACADEMIA

MEDICO-CHIRURGICA JOSEPHINA

PUBLICAE DISQUISITIONI SUBMITTIT

EDUARDUS LAUTNER,

Bohemus Nepomucensis

Medicus castrensis.



In theses adnexas disputabitur in aedibus Academiae Josephinae die mensis Julii 1843.

VIENNAE.

TYPIS JOSEPHI LUDWIG.

K. u. k. Militär-ärztliche Bittstelle	
Standort	Zimmer
	Kasten
	L. Nr.

Wem die Heilkunst nicht zur Religion wird, dem ist
 sie die trostloseste, mühseligste und undankbarste Kunst
 auf Erden.

C. W. J.

K. u. k. Militär-ärztliche Bittstelle	
Standort	Zimmer
	Kasten
	L. Nr.

PATRI OPTIMO


IN AETERNAE GRATITUDINIS ET VENERATIONIS

MONUMENTUM

IMBECILLES HASCE LABORUM PRIMITIAS

OFFERT

gratissimus Filius.



Digitized by the Internet Archive
in 2020 with funding from
Wellcome Library

<https://archive.org/details/b31880162>

N o t i o.

Haemorrhagia αἷμα sanguis, ῥήγνυμι rumpo) (haemorrhoea αἷμα, ῥέω fluo) est abnormis effusio si-
ve sanguinis, sive fluidi sanguini similis*) extra vasa,
hinc extravasatum.

Haemorrhagia est status morbosus elementaris, mul-
tis morbis symptoma, formalemque expressionem eorum
localisationes sistit, uti sunt: exsudatum haemorrhagicum
qua symptoma inflammationis, haemorrhagia scorbutica.
Haemorrhagia non est morbus idiopathicus, sed semper se-
quela, effectus morbi alius. Haemorrhagiam congestivam
prae ceteris speciebus morbum idiopathicum perperam
insignies, nam ex nomine jam patet, congestionem esse
morbum fundamentalem, haemorrhagiam vero sequelam
symptomaque ejusdem.

Character physiologicus.

1. Nulla non fere corporis pars fons et sedes effu-
sionis haemorrhagiae esse potest.

Eo autem facilius sanguinis effusio oritur:

- a) quo ditius sanguine et vasis organon quoddam est
- b) quo laxiori organon textura gaudet, et quo ma-
gis tenues reperiuntur ejus vasorum parietes.
- c) quo magis ipsum irritamentorum externorum adi-
tui patet, uti: nares, pulmo, intestina.
- d) quo crebrius in statu physiologico sedes con-
gestivi status esse solet, uti: uterus.

*) Persaepe enim extravasatum altera alterave partium san-
guinem constituentium privatum est, ita ut jam pars fibrosa,
jam globularis (Haematin) abesse possit, quum fluidum effu-
sum non raro nil nisi serum cruore tinctum exhibeat.

Oritur itaque haemorrhagia creberrime:

a) In tela mucosa, propter abundantiam vasorum, laxitatem texturae, permeabilitatem vasorum capillarium, ob brevioram viam eorundem ad membranarum mucosarum superficiem, ob ipsarum actione secretitia ad turgescientiam et congestionem productam proclivitatem.

Quae haemorrhagiae, quia plerumque in superficiem exinde extus sanguinem mittunt, liberae dici consueverunt. *)

b) Telis mucosis, quoad frequentiam haemorrhoearum proxime accedunt parenchymata imprimis organorum secretioni dicatorum, uti sunt: pulmones, uterus, hepar, renes.

c) Accedit cerebrum, praecipue in illis partibus, ubi rete capillare densitate excellit, ideo in basi, in plexibus vascularibus.

d) Raro nec tamen nunquam, membranae serosae, pericardium, pleura, membrana vaginalis testium, rarius adhuc membranae synoviales haemorrhagiis corripiuntur.

e) Denique etiam stratum cellulosum subcutaneum et submucosum haemorrhagiae sedes esse potest. Has haemorrhagias parenchymatosas, interstitiales et cavorum dicere solemus.

Nisi laesiones vasorum haemorrhagiae causa fuerint, semper systema capillare (hinc nec arteriae, nec venae) propria ejus sedes habeatur. **)

*) Affirmatum est, haemorrhoeas in illis potissimum organis contingere, quorum secreta quoad mixtionem sanguinis indoli quam proxime accedunt, hoc tamen nonnisi de utero valere videtur; pulmonum, ventriculi et intestinorum, ubi tamen sanguinis effusiones quam creberrime occurrunt, secreta indoli sanguinis minus respondent ac lac muliebre, quin haemorrhagiae mammarum frequentes observentur.

**) In haemorrhagiis secretitiis omnis sanguis e vasis promanat capillaribus. Arteriae et venae tum solum sanguinem effundunt, quum laesae fuerint, hinc haemorrhagia arteriosa et venosa. Sanguis autem e vasis capillaribus prodians quali-

2. Perperam affirmatum est, haemorrhagiam semper congestionem et hyperaemia organi affecti praecedere, et in hoc molimine haemorrhagico characterem haemorrhagiarum essentialem consistere. Ubi sanguis valde tenuis occurrit, ut in scorbuto, ubi vasa in continuo laesa sunt, ut in pulmone phthisicorum, hoc stadio prodromorum non opus est, ut haemorrhagia oriatur.

Activae haemorrhagiae, quae congestionibus innituntur harum phaenomenis praeceduntur, quae sunt: Abnormis excitatio nervorum in organo affecto, pruritus, tensio, sensus ponderis, calor, pulsatio; in partibus externis turgor, rubor, calor auctus, in organis secretioni dicatis saepe secretio uberior, in membranis mucosis promanatio fluidi serosi, non raro autem etiam secretio imminuta, functio magis minusve turbata. Pari tempore etiam anaemia antagonistica in omnibus organis a concentrationis sanguinis loco remotis intrat; imminente haemorrhagia organorum internorum adhuc ante sanguinis effusionem horripilatio, horror, frigus extremitatum et cutis externae pallor, praeterea circuli assymetria pulsu tenso, duro, celeri, saepe dicroto sese manifestat.

Durante fluxu pulsus passim mollis et lentus evadit. Praeterea quaelibet haemorrhagiae species pro sede diversa (v. g. haemorrhagia pulmonum vel ventriculi) diversis designatur prodromis, quae tamen hic locorum describi nequeunt.

(Stadium prodromorum jam brevius, jam longius est, ita ut haemorrhagia non raro solummodo praeteriens eruptio lateralis congestionis seu hyperaemiae sit.)

3. Symptoma peculiare morbi, fluxus sanguinis ipse est, dum externe comparet. Ab initio, plerumque consue-

tate mox magis arteriosa, mox venosa excellere potest; ita ut haemorrhagiae ex organis supra diaphragmate sitis in isto sensu magis arteriosae, in organis vero infra isto positae, magis venosae soleant esse.

tus humor secretus sanguine tingitur, serius verus sanguis prodit. *)

Sanquis aut lente stillat (stillicidium sanguinis) vel rivuli instar effluit (haemorrhoea) vel vero torrentis instar effunditur (haemorrhagia) jamque flumine continuo jam interrupto.

Quantitas sanguinis effusi jam exigua est, jam vero plures libras excedit. Haemorrhagia dum est chronica et periodica, aegri saepe stupendam sanguinis copiam perdere possunt, quin periculum subeant; praecox et uno ictu intrans effusio ad quatuor sexve libras periculum fert. —

Sanquis effusus diversus est:

a) Quoad colorem; color laete ruber in subjectis juvenilibus, in haemorrhagia ex organis supra diaphragmate (in sphaera arteriosa) sitis, caractere activo, quum quam primum sanguis e vasis prodit extrinsecus adparet, quum influxui oxygenii (in pulmonibus) seu acidorum (in ventriculo) expositus est.

Profunde ruber, brunus, ater econtra sanguis plerumque est, ubi contraria occurrunt; in individuis senioribus in haemorrhagiis e sphaera abdominali (venosa) caractere asthenico, ubi sanguis longius in cavo quodam stagnavit, ubi influxui substantiarum in quibus materia carbonica praevalet (v. g. bili) expositus erat.

Sanguis effusus porro merus est, vel vero diversis aliis materiis contaminatus, uti sunt: aër (sanguis spumosus) mucus, saliva, bilis (αῖμα μελαν) faeces, pus, ichor, concrementa lithiaca, hydatides, materies tuberculosa, canceratica, urina etc., unde qualitas ejus vario mutatur modo. Denique sanguis effusus vel fluidus est, vel coagulatus (post longiorem moram) interdum speciem canaliformem assumit, jam citius jam serius, jam plane

*) Hoc secretum an alias mutationes iniverit, non dum est compertum,

non coagulatur modo crusta fibrosa tegitur, modo dissolutus, foetens; modo saporis acidi, dulciusculi, amari est et sic porro.

Haemorrhagiae inter somnum intrare amant; scimus pari modo etiam sudores et menstrua inter somnum copiosius promanare.

4. Si effectum haemorrhagiarum in organa adfecta proximum indagaveris, invenies:

a) Organon congestiva seu hyperaemica haemorrhagia correptum nimia sanguinis copia liberari posse; — haemorrhagiam sequitur levamen, phaenomena morbosa evanescent. — Aeger qui dispnoea laboravit, post pneumorrhagiam pectus levatum sentit, post epistaxim cephalalgia et obnubilatio sensorii disparent, febris sthenica mitigatur euphoriae universali locum cedens.

b) Vel vero organon sanguinis effusione statu congestivo seu hyperaemico non deliberari, qui imo, favente orgasmo haemorrhagico orto, ad altiore evehitur gradum; — fluxus perdurat, interruptim renovatur; vel vero in inflammationem abit hyperaemia.

c) Effusionem sanguinis extus non contingere, sed organa opprimi; — functionis turbatio tunc altissimum attingit gradum, denique in paralysim abit; pro exemplo sunt: oppressio et suffocatio bronchis sanguine obrutis, apoplexia post haemorrhagias cerebri.

d) Sanguinem partim extus effundi, partim in vicina organa infiltrari, unde oedema haemorrhagicum oritur, quod itidem functiones organorum vario modo turbat.

Character anatomicus.

1. Ubi congestio seu hyperaemia stadium prodromorum haemorrhagiae effecerat, status anatomicus organi correpti ab illo, quem congestio et hyperaemia producit, non differt. Rubor et injectio a colore roseo in caeruleum et nigro-atrum variant, secundum Schoenlein rubor

laetus esse solet in organis, ubi arteriae praevalent, profundior vero in organis, ubi venarum numerus major, a rubore inflammatorio rubor haemorrhagicus eo differt, quod hic pressioni cedit, ille non cedit.

Haemorrhagia ex dyscrasia, e desorganisatione etc. exorta, caractere anatomico hujus pressionis fundamentalis conjuncta est. Interdum organon haemorrhagia adfectum sanguine destitutum est, pallet et injectione sanguinea caret, ita v. c. in haemorrhagia cerebri, bronchorum, ventriculi, intestinorum etc.

2. Postquam effusio sanguinis contigerat, haec observantur :

a) Sanguis effusus invenitur in superficie canalium, membranarum, in cavis, in parenchymate; sanguis saepe coagulatus formam strati organici adipiscitur, occurrit destructio et laceratio parenchymatis vario gradu.

b) Organa vicina sanguine mox aequaliter et diffuse imbibita, mox maculosa et ecchymotica adparent. Pars telae a loco haemorrhagiae remota sero infiltrata est, tela sanguine infiltrata hic pressione elici potest.

c) Interdum, nec tamen saepe vasa rupta sunt; — pleraeque haemorrhagiae exsudationi e vasorum capillarum integris parietibus originem debent.

d) Reliqua organa post haemorrhagiam uberiores statum anaemicum prae se ferunt; in cavis membranarum serosarum (pericardii, pleurae) saepe serum effusum invenitur, intestina colorata, emollita sunt, vasa cerebri sola si cum ceteris comparaveris, magis repleta deprehendes.

3. Elapso aliquo post haemorrhagiam temporis spatio, scena mutatur. In cavis reclusis, unde sanguis non potuit extus effundi, atrum coagulum sero innatans reperitur, in parenchymate serum a coagulata haemorrhagiae producti parte sese separans, oedematosam infiltrationem producit. Tunc in partibus vicinis, in parenchymate, hy-

peraemia, exsudatum in lucem prodit, quod superficies serosas, quoad adspectum villosas et scabras reddit vel strata pseudomembranosa gignit, in textibus parenchymatosis extravasatum pseudomembranis tamquam capsula inclusum a cetera organi parte separatur. Extravasatum pro parte absorbetur, color coaguli laetior evadit, denique luteus, denique plane disparet, parietes capsula concrescunt et cicatricem formant.

Reactio haemorrhagiarum ad organismum.

1. **Reactio organismi in sanguinem effusum, — reactio localis.** Extravasatum, nisi statim extus prodierit, tamquam irritamentum in telas agit, cum quibus est in contactu, actio reflexiva sic orta (tussis in pulmonibus, emesis in ventriculo, motus peristalticus auctus in canali intestinali, stranguria in vesica urinaria, contractiones in utero) expulsionem sanguinis accumulati efficere valet. In organis e quibus sanguis eliminari non potest, functio aut impeditur (coma et paralysis in cerebro) aut nimio opere excitatur (deliria, convulsiones, spasmi tonici in haemorrhagiis cerebri). Quod si hac actione reflexiva sanguis non amovetur, tum in organis circumdantibus, continuo irritamento expositis vegetativa reactio oritur, quam inflammationem vocamus, qua partes irritatae irritamentum non amovendum assimilare conantur, unde origo diversorum pathematum consecutivorum: suppuratio, induratio, pseudoplasiae. In organis nobilibus dicit Hufeland, atque si rexis vasorum comitatur haemorrhagiam, haec semper tamquam vulneratio est considerata, omnesque hujus sequelas, inflammationem, extravasatum, indurationem, suppurationem secum ferre potest.

2. **Actio universalis haemorrhagiae.** Haec diversa est, prouti haemorrhagia sive acuta, sive chronica fuerit. Necesse est, ut distinguantur reflexus hae-

morrhagiae qua tali pertinentes, ab iis, quae a statibus pathologicis haemorrhagiam causantibus producuntur. Sic congestio in pulmonibus febris sthenica sociata esse potest, — oritur haemorrhagia — si eo in casu febris continuat, haec non est reactio contra haemorrhagiam, sed utraque ut haemorrhagia ita febris sunt coëffectus causae ejusdem.

a) Proximus effectus haemorrhagiae vehementis et subitaneae est anaemia acuta, livor cadavericus, pallor labiorum, linguae, frigus extremitatum, pulsus minimus, abolitio sensuum, sudor frigidus in fronte, tremores extremitatum, angustia praecordiorum, collapsus faciei, syncope. Cuncta haecce phaenomena anaemiam extra dubium non ponunt, saepe nimirum post minorem quantitatem sanguinis amissam effectus terroris sunt. Syncope oritur ex cessatione irritamenti sanguinis ad actionem cerebri et medullae spinalis necessarii, unde cessatio innervationis saepe perfecta asphyxia et paralysis; saepe innervatio dysharmonica, deliria, spasmi, vomitus etc.

Haec syncope aut lethalis evadere, aut vero haemorrhagiam stagnando salutaris fieri potest.

Ut syncope ocyus, seriusve intret, non solum a quantitate sanguinis amissi et a celeritate ejusdem effusionis, sed etiam a constitutione aegri dependet; ita ut individua plethorica et macilenta, item feminae amissis demum duabus tertiis partibus totius sanguinis in organismo copiae syncope et asphyxia corripiantur, individua vero crassa et pingua vix quarta imo octava sanguinis parte amissa syncoptici et asphyctici reddantur. (Stark).

b) Haemorrhagia sedata mox reactio quaedam universalis, praecipue in individuis juvenilibus sese evolvit, lapso post haemorrhagiam aliquo tempore temperatura cutis altior, pulsus plenior, undulans evadit, cardiopal-mus, pulsatio arteriarum temporalium et Carotum, congestiones aliaeque incitationis universalis phaenomena, ce-

phalalgia, agrypnia, delirium, photophobia, aurium susurrus intrans. Haec phaenomena brevi post haemorrhagiam praecipue vigent. Paulatim tamen decrescunt elapsis vero aliquibus diebus evanescent. Si de causa horum symptomatum quaeris, eam in aucta irritabilitate invenis, quae nimirum eo major redditur, quo minor energia organismi ob sanguinem amissum evadit, vel minimum irritamentum alacrem, vivacem sed non perdurantem reactionem provocat, et jam consueta irritamenta vitalia in illo auctae irritabilitatis statu actiones reflectentes inusitatas, spasmodicas interdum provocant, imo vel congestionis et haemorrhagiae recidivae causa esse possunt. Tali in casu proclivitas ad congestiones eo major observatur, quo majorem aeger copiam sanguinis amittit, quo magis itaque facultas organismi ad renisum exhauritur. — En novum reactionis specimen, influxus potius destructivi quam salutaris.

Aetiologia et Divisio haemorrhagiarum.

Haemorrhagiae distinguuntur possunt:

a) in haemorrhagias cum laesione mechanica vasorum, — vulneratione, rhexi etc —; huc pertinent haemorrhagiae per rhexin, diabrosin, diaeresin ab antiquis statutae.

b) in haemorrhagias sine mechanica laesione vasorum, processu organico — dinamico —, transsudatione secretionem productas.

Universum systema vasorum in se reclusum est, nec arteriae, nec venae alicubi ostiis patent, uti olim creditum est. Quod factum; recentioribus indagationibus confirmatum, nullum dubium admittit, quin in unaquaque haemorrhagia, ubi mechanica vasorum laesio deest, sanguis non aliter ac in secretionem elementorum secretitiorum contingit, per parietes vasorum clausorum exsudetur. Probatur id processu menstruationis. In feminis tempore menstruum emortuis vasa uteri sanguine turgentia, nullibi autem lae-

siones reperiuntur; compressione substantiae uteri ex ejusdem interna superficie sanguinem guttatim extricare fas est; talis imbibitio sanguinolenta telarum etiam in haemorrhagia pathologica obtinet, nec vel accuratissimae inquisitioni, erosionem sive laesionem vasorum alicubi detegere licet.

Adfinitas processus secretorii hujusque haemorrhagiae speciei exinde porro manifesta redditur, quod fluidum extricatum saepe nonnisi sanguini simile, alterave aut altera partium sanguinem constituentium destitutum est. Sic jam sanguis menstruorum fibrina caret, sic globuli sanguinis (haematin) raro ibi inveniuntur, ubi rhexis vasorum non adest.

Ulteriora argumenta, quibus Starkius haemorrhagias et secretiones sibi congruas esse evincere studet, sunt:

1. Haemorrhagiae continuo cum secretionibus conjunctae et crebro earum vicariae sunt.

2. Illae saepe in secretiones auctas, hae autem in haemorrhagias transeunt, uti e.g. in lochiis est observare. Eadem ratione sputa catarrhosa in cruenta, et haec vice versa in mucosa abeunt, haemorrhoides in blennorrhoeam recti transmutantur. Nec non in vulneribus hic transitus conspicuus est. Phlegmasiae, quas numquam non secretiones sequuntur, crebro haemorrhagias producunt et sanguis tum semper cum productis inflammationis secretivis mixtus occurrit. (Exsudatum haemorrhagicum.)

3. Remedia secretiones augentia magna dosi porrecta haemorrhagias cient v. c. salivantia, purgantia, diuretica etc.

4. Exinde demum, quod haemorrhagiae criticae evadere possunt, quod detractionibus sanguinis artificialibus non penitus substitui queunt, quod post ansas externas v. c. post usum vini, exaestuationem etc. non immediate inurant, sicuti, quod periodice adparent, denique quod influxui pathematum animi non raro obtemperant, interna

illarum cum veris secretionibus affinitas elucere videtur. (Stark Pathologia universalis pag. 1063.)

Conditio fundamentalis haemorrhagiae secretivae alterationibus partium aut solidarum aut fluidarum organismi, aut simul ambarum innititur.

Oritur quippe haemorrhagia:

1. Ex adaucta tensione vitali et attractione organi affecti — ex adaucta copia et turgescencia interna sanguinis — *H a e m o r r h a g i a a c t i v a*.

2. A relaxatione vasorum partis affectae, — ab attenuatione, qualitate colliquativa, plastica sanguinis — *H a e m o r r h a g i a p a s s i v a*.

Causae his conditionibus subjacentes vel topice agunt, vel vero universum systema afficiunt. Tensio organi augeri potest congestione, inflammatione, periodo quadam evolutionis, concitatione antagonistica, sympathica, irritamento quodam externo, quod amoveri nequit, nervorum erethismo. Aucta sanguinis copia et turgescencia, omni re, quae plethorae et congestioni favet, vel oppresione secretionum habitualium oriri potest. — Relaxatio vasorum est effectus actionis nimii caloris, morborum debilitantium, aetatis provectae, congestionis, hyperaemiae, haemorrhoeae habitualis saepe revertentis. Tenuis et parum plasticus evadit sanguis, post nimias eliminationes in morbis discrasicis v. g. Scorbuto.

Differentiae haemorrhagiam activam inter et passivam.

Haemorrhagia activa pro essentia sua ex irritamento quodam, sive interno sive externo prodit.

Haemorrhagiae passivae genesis tali irritamento non indiget.

Illa plerumque ex adpulsu sanguinis versus certam eamque circumscriptam corporis partem oritur.

Haec frequentius originem ducit e dispositione qua-

dam universali partium solidarum fluidarumve, unde in pluribus partibus saepe simul adparèt, praecipue in illis, quibus laxior et cellulosa structura est, quae vasis abundant, vel ,qua organa excernentia extus patent.

Haemorrhagiis activis praeprimis individua sanguinica, plethorica, robusta, laute viventia, spirituosius indulgentia, juvenilia sunt obnoxia. Causae excitantes hic ad irritamenta referuntur, uti: animi affectus, exaestuatio, suppressio fluxuum sanguinis habitualium et sic porro.

Haemorrhagiis passivis corripuntur subjecta debilitata seniores, constitutionis laxa, leucophlegmaticae, quorum organismus morbis anteactis, pravo victu, affectibus animi deprimentibus, assiduus ut corporis ita animi laboribus exhaustus est. Dyscrasiae et certae aëris mutationes eosdem effectus, exserunt.

Haemorrhagiae activae praesertim tempore vernali occurrunt, ubi universum systema vasorum in evolutione, ut ita dicam ascendere versatur.

Haemorrhagiae passivae frequentiores sunt tempore autumnii et aestatis.

Fluxus cruenti e sphaera organorum respirationis arteriosa activo plerumque characterè insigniuntur

Fluxus cruenti e sphaera venosa abdominali crebrius passivum characterem prae se ferunt,

Illos passim praecedunt prodromi (congestio, hyperaemia.

His molimen haemorrhagicum congestivum semper fere deficit.

In haemorrhagia activa temperaturum cutis altiore habes, pulsum plenum, duriusculum, qui durante fluxu mollior et lentior evadit.

In haemorrhagia passiva pulsus parvus, vacuus, facile comprimendus est, durante fluxu magis semper vacuus et celerior evadens.

Sanquis effusus illius coagulatur et persaepe crusta fibrosa tectus adparet, universim sanguini phlogistico similis.

Hujus autem sanguis eliminatus non coagulatur quoad colorem est profundus, violaceus, saepe ater, vel etiam laete ruber, tum vero quoad consistentiam aquosus, dissolutus, fluxuque diu durante vel repetito liquori a carne abluta similis.

Haemorrhagiae activae torrente interrupto, repente vel periodice contingunt;

Haemorrhagiae passivae saepius pedetentim sese evolventes, magis continuae sunt.

In illis phaenomena concomitantia congestionis et turgoris ratione fluxus recedunt.

In his symptomata concomitantia debilitatis et exhaustionis rationi durationis fluxus progrediuntur.

Illa facilius sedantur, non raro vel sponte desinunt. Silente fluxu aeger saepe levatum sese persentit.

Hae plerumque difficillime coërcendae sunt, silente fluxu aeger pejus se habet.

Hae distinctiones diagnosticae, quamquam acuratis-
simae videantur, in praxi tamen non raro non sufficiunt;
multae speciem stheniae prae se ferunt haemorrhagiae
nec tamen alia, quam irritanti methodo sunt curandae,
et vice versa. Praesertim autem in dijudicando casu con-
creto id probe respiciatur, quod status organi topico san-
guinis fluxu correpti saepe discrepat a statu universali,
ita ut hic activus, ille passivus, sive contra ille activus
hic passivus esse possit. Therapia tali in casu κατ' ἐξοχὴν
norma status universalis sequitur. Sic e. g. in haemor-
rhagiis a vehemente concussione exortis, organon ipsum
commotione debilitatum est, simul autem vehemens sy-
stematis vasorum concitatio universalis adest. — Hae-
morrhagiae, quae ab initio activae fuerunt, in decursu,
perdita majori sanguinis copia, in passivas transeunt.

Cognitus est influxus systematis nervorum in secreti-
ones in genere. Sicuti itaque analogiam inter secretiones
et haemorrhagias jam superius manifestam reddere conati

sumus, nunc penitus cognitis haemorrhoearum causis iterum comperimus, influxum irritationis nervorum ipsorumque actionis reflexivae in illas provocandas negari non posse, unde novam et peculiarem haemorrhagiarum varietatem statuere fas est, nempe haemorrhagiam nervosam seu erethisticam. Fluxum sanguineum irritatio nervosa nonnunquam manifesta praecedit, uti: animi affectus, ira, terror; in feminis hystericis haemorrhagia eodem modo ac caetera hysteriae symptomata nervosa celeriter sedem mutat; — globus hystericus jam versus ventriculum ascendit, — oritur haematemesis; iste jam ad pulmones surgit — sequitur haemoptysis; nec rarius in metrorrhagiis fluxus cruentos atque affectiones nervosas alternantes conspiciere fas est. Saepe fluxus eruentus silet, dum aliae systematis nervosi partes corripuntur; in haemorrhagiis sympathicis, antagonisticis, metastaticis, periodicis, intermittentibus, systema nervosum momentosissimam exserit actionem.

Aetas in sedem et characterem influit haemorrhagiarum. Hae talia quippe praecipue adgrediuntur organa, ubi pro aetatis gradu attractio sanguinis aucta est; plethora infantum cephalica epistaxin ciere diligit, plethora juvenum thoracica haemoptysin producit, plethora abdominalis et pelvica aetatis mediae haemorrhagiis ventriculi, intestinorum, recti, uteri favet; aetati proVectiori plethora relativa quorundam organorum, difficilisque dilatatio vasorum ratione sanguinis copiae in iisdem circulantis, desorganisatio et friabilitas parietum vasorum peculiaris, est, inde faciles haemorrhagiae (praesertim in cerebro) per rhexin. — In infantibus haemorrhagiae orgasticum crebro, in juvenibus et viris activum, in senibus asthenicum assumunt characterem; attamen oriuntur etiam in senibus haemorrhagiae a plethora topica (constrictione vasorum luminis) praesente aequo tempore asthenia corporis universali.

Sexus sequior valde obnoxius est haemorrhagiis. Ansam praebent: fluxus periodicus menstruus physiologicus et normalis, processus congestionis et plasticitatis sub graviditate et puerperio, fluxus cruenti a partu dependentes. Accedunt: structura laxa vasorum organismi muliebris, versatilitas systematis nervosi, huiusque influxus ad excitandum sanguinis orgasmum. His perpensis facile explicatur frequentia haemorrhagiarum antagonistiarum, vicariarum, nervosarum, quae ob minorem corporis feminei energiam in asthenicum characterem admodum proclives visuntur.

Dispositio corporis feminei in fluxus eruentos jam a tenerrima aetate manifestari et tum per omnem vitam manere potest, quam maxime conspicua vero in periodis revolutionum physiologicarum vitae sanguinis sese prodit, hinc tempore evolutionis pubertatis, menstruorum, sub actu partus, periodo climacterica. Non raro a revolutione climacterica proclivitas habitualis in congestiones et haemorrhagias diu relinquitur, desorganisationique genitalium internorum aliorumque organorum ansam praebet. In feminis praecipue uterus est haemorrhagiae sedes, haemorrhagiae vicariae ex omnibus organis contingere queunt.

Longe minus est haemorrhagiis obnoxius sexus virilis, eaeque plerumque characterem activo, sthenico insigniuntur.

Periodi evolutionis haemorrhagiarum genesi praecipue favent. Unde in neonatis et sub dentitione, ubi membranae mucosae tractus intestinalis evolvuntur et maxima actione vitali excellunt, fluxus cruenti intestinales crebro oriuntur; influxus evolutionis sexualis jam superius mentio facta; pubertas ad pneumorrhagias disponit; evolutio praeponderantiae vitae sanguinis venosae aetatem mediam ad melaenam et haemorrhoides propensam reddit.

Dum tempore evolutionis sanguis ad organa gradu ascendente sese evolventia propellitur: tempore involu-

tionis ea potius organa haemorrhagias perpetiuntur, ad quae ab organis sese revolvuntibus sanguinis impulsus dirigitur; hinc e. g. sub obliteratione partiali vasorum cujusdam organi (cerebri) ad alias ejusdem partes.

Inter temperamenta praeprimis sanguineum ad haemorrhagias disponit, praecipue dum structurae vasorum laxiori et notabili systematis sanguinei mobilitati conjunctum est.

Dantur familiae, quae ob haereditariam systematis vasorum imperfectam structuram (tenuitatem, permeabilitatem abnormem parietum vasorum, defectum membranae horum mediae?) obnoxiae esse videantur; huc pertinent familiae idiosyncrasia haemorrhagica, (haemophilia) insignes. Hereditariae porro videntur esse haemorrhagiae secundariae ex aliis morbis hereditatis exortae, uti v. c. fluxus haemorrhoidalis ex haereditata abdominis obstipatione, haemoptysis ex haereditaria affectione pectoris.

Eo in organo, quod secundum functionem suam physiologicam, vel ob morbum aliquem, una vel iterata vice haemorrhagiae sedes fuerat, ansa nova, non raro minima data, haemorrhagia reintrat, haec denique habitualis fieri, et ut ita dicam normae valetudinis individualis tam peculiaris reddi potest, ut quam primum fluxus cruentus habitualis desideretur vel opprimatur, morbosae affectiones alius generis in scenam proveniant, eo tempore, quo hic fluxus cruentus imminet, phaenomena plethorae intrant, quibus evacuatio sanguinis critica evadit. Quodsi sanguis loco consueto eliminari nequit, aliam sibi per organa laxa, sanguine scatentia viam quaerit, qua ratione haemorrhagiae vicariae et antagonisticae oriuntur. Simili modo aliarum (non cruentarum) secretionum (e. g. sudoris, diarrhoeae, suppuratio habitualis) suppressio agere potest, quare non raro haemorrhagia et secretio alternantes visuntur. Huc accedit genesis haemorrhagiae per consensum. Organon quippe aliquod congestione vel erethis-

mo corripitur, nec tamen fluxum cruentum experitur, sed per consensum in aliud agit organon, atque in ipso veram excitat haemorrhagiam; hoc modo saepe oriuntur fluxus haemorrhoidales et menorrhoeici ex affectione aliorum organorum, fluxus cruenti symptomatici in morbis febrilibus, epistaxis in morbis lienis, hepatisve.

Certis occupationibus opificiisve certa momenta redduntur efficacia, quae haemorrhagias ratione jam mechanica jam dynamica producere valent.

Haec tamen conditio praedispositio dici non meretur. Huc pertinent: Aestus opificum ope ignis laborantium, coquorum, intensio pulmonum penes cursores, laesiones mechanicae onera pertantium.

Plethora, congestio omniaque, quae his producendis sunt paria, victus stimulans, potus spirituosus, excitantes, ad haemorrhagias disponunt, dataque dispositione eas procreare valent. Excitatio usu quotidiano fluidorum calidiorum, potus arabici et theati, a Zimmermann qua causa haemorrhagiarum apud homines otiosos et vitam molliorem ducentes est considerata.

Valet porro haemorrhagias excitare immodica irritatio organorum secernentium et excernentium; sic diuturna suctio e mammis muliebribus loco lactis sanguinem elicere potest; irritatio membranae mucosae tractus intestinalis ope drasticorum enterorrhagiam cruentam gignit; sic metrorrhagia coitu immodico provocatur nec non etiam in viris loco seminis sanguinem effundi observarunt. Pari modo etiam irritatio agente nimia intensione virium; excitatione sanguinis per cursum, saltum, nisum sub partu, alvique depositione etc. momentum excitans haemorrhagiae evadere potest. Laesionibus externis concussionibusve vasa rumpi et sic haemorrhagias traumaticas provocare possunt. Nonnullae substantiae externae in organismum susceptae in certis nonnisi organis statui congestivo excitando pares sunt, qui in haemorrhagiam abire potest,

sic emenagoga, aloë, sabina in uterum; cantharides in renes; mercurius sublimatus corrosivus in pulmones agunt et sic porro.

Impedimentis mechanicis circuli sanguinis hyperaemiae et eum hac haemorrhagiae ansa ferri potest. Ligando venam portarum Boërhaave in cane enterorrhagiam provocavit. Compressione arteriarum cruralium menorrhoea elicitur. Fluxus haemorrhoidalis saepe nonnisi mechanica obliteratione venarum superiorum exoritur, uti in gravidis pressione, quam exercet uterus dilatatus; haematemesis, melaena similibus causis uti pressione tumorum in venas majores gigni queunt; nonnullis pneumorrhagiis vitiis cordis copulatis impedimentum mechanicum circuli minoris tamquam causa subjacet; in cerebro per refluxum sanguinis venosi mechanice impeditum, colli constrictionem, strangulationem, suffocationem potest produci extravasatum.

Fluida et solida corporis et ad se invicem et ad sic dicta media externa quoad pressionem reciprocam statum aequilibrum servant; deviatione mediorum externorum organismum ambientium aequilibrium hoc turbari potest.

Quo repentinus mutatio accidit, eo facilius renisus vasorum debilius, impetui pressionis, cui vis reciproca sufficiens non reagit, expositorum superatur. Ex hac causa tempore repentinarum et majorum barometri (sit venia verbo) mutationum saevientibus aequinoctii et solstitii tempestatibus, aestu vel frigore vehementi repente exorto, in multis simul individuis epidemica quasi morbi grassatione haemorrhagias exoriri observamus.

Reil haematuriam epidemicam vidit, qua vel sanissimi corripiebantur; Josephus Frank haemorrhagias epidemicas in genere tum observavit, dum atmosphaera vel siccitate vel humiditate nimia excelluit.

Montes altos ascendentibus sanguinem e naribus, ore et auribus promanare sat notum est. Homines repente in aquam praecipitati pneumorrhagiam saepe experti sunt.

Junod apparatus quemdam construxit, cujus ope imminuta in corporis superficiem pressione atmosphaerica menor-rhoea est provocata et sic porro. Sine dubio etiam ratio electricitatis in aëre atmosphaerico ad provocandas haemorrhagias epidemicas facit.

Haemorrhagiae sic dictae cacochymicae a venositate praevalente, a dyscrasia arthritica, scorbutica, a depravatione sanguinis per nutrimenta inepta, spirituosa, venena sive vegetabilia sive animalia contagio typhi, pestis, febris putridae, aliave ab epidemica seu dyschymotica crasi originem ducere queunt. Hujus originis haemorrhagiae plerumque sunt passivae.

Decursus et terminationes haemorrhagiarum.

Morbus aut unico fluxu sanguinis terminatur, aut vero fluxus reiteratur, at quidem jam intervallis irregularibus arhythmicis, jam rhythmicis periodis, aut certo diei tempore, aut pausis plurium dierum, hebdomadum, mensium. Qua causa hujus rhythmici agnoscuntur vel influxus systematis nervosi, vel morbus typicus haemorrhagiam produ-cens, uti e. g. anomaliae menstruorum, haemorrhoidum; vel denique oscillationes rhythmicae vitae sanguinis ipsi peculiares.

Quum in sanitatem abit haemorrhagia, ea cessante residua coagulata e cavis extus patentibus sensim protruduntur; extravasata interstitialia resorbentur, exsudationibus praecluduntur et processu vegetationis in telis ea circumdantibus ad altiorem mox gradum provecto ulterius transformantur. In membranis mucosis fluxus sanguineus in auctam secretionem (catarrhum) abit. Crises, quibus haemorrhagias judicari dicunt, non his sed aliis morbis haemorrhagiarum vel causas vel complicationem sistentibus, sunt adscribendae.

Reactio vegetativa localis ad extravasatum amovendum sese evolvens, fines justos transgredi et in phlogosim abire potest. Pars organi sanguinem plorantis inflammatione corripitur, et in partibus vicinis fluxus perdurare potest, sic v. g. in pulmone, vel denique phlogosis et haemorrhagia alternare possunt.

Coagula cruenta, hyperaemiae aliaeque alterationes materiales uti: depositio lymphae plasticae tamquam haemorrhagiarum producta in organo affecto remanent, passionumque consecutivarum, tuberculorum, pseudoplasmatum degenerationum carcinomatosarum, suppurationis, ulcerationis focum praebent.

Magna et iterata sanguinis evacuatio anaemiam universalem, cum hujus symptomatum jam descriptarum cohorte producere solet. Aucta irritabilitas, quae ei plerumque copulatur, cardiopalmum, dolores trahentes in cervice et capite gignit, non prius cessantes, usquedum sanguis amissus fuerit restitutus. Caveat medicus, ne haec symptomata congestionis vel plethorae adscribat, cardiopalmum vitio cordis organico tribuat et methodo deprimenti utatur; ut enim vel ultimam sanguinis guttam sacrificet, non tamen ea symptomata amovebit.

Iteratis haemorrhagiis haematosi tantopere debilitatur, ut sanguis in humiliori evolutionis gradu sistatur, quantitate normali cruoris et fibrinae privetur, nihilque nisi serum quasi rubre tinctum exhibeat. Partes solidae contractilitate normali destituuntur ita ut hoc fluidum serosum per vasa capillaria ubivis exsudetur; oritur inde hydrops passivus quin imo et scorbutus.

Sic haemorrhagia ipsa nova haemorrhagiae causa evadere potest, quum sanguis eam qualitatem adipiscitur, qua ad vasa penetranda per idoneus redditur.

Andral epistaxis excessivae mentionem facit, cujus causa parvae sanguinis effusiones in tota cutis superficie

ortae sunt, quae tamen sanguine resarcito mox iterum evanuerunt.

Mors denique accidit vel exhaustione, vel paralyysi organi ad vivendum necessarii (effusione sanguinis in parenchyma pulmonum, in cavum pleurae, pericardii, apoplexia (vel morbis consecutivis) hydrope, febris depascente e. s. p.).

P r o g n o s i s.

Quum haemorrhagia multis in casibus salutarem reactionem in alios status morbosos exserat, et tum opprimenda non sit, magni inde momenti videtur distinguere haemorrhagias salutes (criticas) et perniciosas (nocivas).

Salutaris est haemorrhagia:

a) Evacuatione alicujus sanguinis quantitatis in statu congestivo, plethorico, febris sthenica, praecipue in subjectis juvenilibus, robustis.

b) Derivando impetum vel superabundantiam sanguinis, sive universim actionem pathologicam aliam ab organo nobili ad ignobilius v. g. a cerebro, a pulmonibus ad rectum, uterum, ad membranam mucosam narium, a vena portarum ad venas recti.

c) Salutes et necessariae esse possunt haemorrhagiae, quae alius cujusdam morbi vicariae sunt, ubi morbus primarius imminui conspicitur, vel saltem non debilitat v. g. fluxus cruenti in amenorrhoea, in vertigine e. s. p.

d) Salutaris est haemorrhagia, ubi suspici potest, sanguinem evacuatum materiis excrementitiis deformatis esse impraegnatum, quae remanentes in circulo nil nisi detrimentum organismo ferrent. Tali in casu haemorrhagia actus depurationis vere nuncupatur, exiguaeque sanguinis evacuatio spontanea plerumque magis prodest, quam ejusdem vel majoris etiam quantitatis depletio artificialis.

His potissimum momenti diagnosis et distinctio haemorrhagiae salutaris criticae dirigitur.

Borden e pulsu arteriarum criticas haemorrhagias imminentes praesagire docet: pulsum fortitudine et renitentia excellere, dicrotum esse dicit, dum haemorrhagia e partibus superioribus, — subintermittentem vero, dum eadem ex partibus inferioribus contingit. In phlogosis secundum Goeden haemorrhagiae criticae in stadio acmes semper horripilatione et frigore annuntiantur. Certissimum autem haemorrhagiae salutaris documentum est inde producta sublevatio et imminutio symptomatum morbosorum.

Perniciosa verò fieri potest haemorrhagia:

a) Quum sedem sibi eligit in organo nobili, cerebro, medula spinali, pulmonibus, ventriculo, quum in cava serosa viam sibi aperit.

b) Subsequente inflammatione organorum admodum irritabilium.

c) Dum nimia fit.

d) Quum fluxus cruentus ex asthenia organismi universalis oritur, haecque illo augetur, unde fit, ut haemorrhagiae passivae semper infaustiores sint activis. In haemorrhagiis perniciosis (symptomaticis etiam dictis) cetera phaenomena morbosa cum fluxu sanguinis non imminuuntur, sed crescunt.

Praeterea alia adhuc momenta in prognosin influunt: Haemorrhagiae e laesione mechanica vasorum, vel e vasis oriundae partium desorganisatione destructarum (in phthisi, carcinomate) majori periculo sunt conjunctae, quam illae, quae nonnisi actionis secretivae alteratae effectum sistunt. Fluxus cruenti e partibus externis, remedium mechanicorum et stipticorum applicationi patentibus faustiores sunt, quam ex organis internis. Stillicidia sanguinis facilius feruntur, quam prorutiones subitaneae et praecoces. Individua juvenilia fluxus cruentos non raro sine detrimento perpetiuntur; aetate provectoribus quaelibet laticis vitalis eliminatio functionum impedimenta deprimentia adfert.

Dependet porro prognosis a causa haemorrhagiae sive facilius sive difficilius amovenda. Malis symptomatibus adnumerantur: convulsiones durante fluxu, sanguis aquosus non amplius coagulando aptus.

T h e r a p i a.

Primum in tractandis haemorrhagiis locum tenent: Indicatio causalis et haemostatica. Secundariae sunt: Indicatio symptomatica, indicatio propyxlactica et indicatio exituum.

Ante cetera quaestio debet decidi, an haemorrhagia universim opprimenda sit, nec ne. In illis casibus, ubi secundum illa, quae superius probata sunt, haemorrhagiam salutarem habere fas est, indicatur methodus expectativa, quousque fluxus sufficiens videtur (dantur circumstantiae, sub quibus fluxus apte augeri possit) quousque fines justos non excedit, et quum in organo tali sedem habet, ubi detrimentum locale non timetur. Commendatur quies, situs corporis talis, quo congestio sanguinis ad organon correptum imminuitur, hoc ipsum, si licet, sublime tenetur (situs erectus in epistaxi, horizontalis in enterorrhoeis) ligaturae et quidquid pressionem exserere vel circulum impedire posset, seponuntur; diaeta refrigerans, blanda aegro porrigitur et omnia, quae naturae salutare molimen turbare valerent, amonentur.

Ubi fluxum moderari vel sistere necessarium fuerit, inquirendum est, an impleta indicatione causali simul quoque indicationi haemostaticae satisfiat nec ne, (eae methodi eaque remedia, quibus pluribus simul indicationibus satisfiat, plerumque sunt praeferenda (vel ubi utriusque indicationis separatio requiritur, an vitalis indicatio postulet, ut haemostatica prae causali adimpleatur.

Accidit, ut causae haemorrhagarum remotae vel dispareant, vel non amplius removendae evadant, hinc nec amplius objectum therapiae esse queant; v. g. laesiones, influxus atmosphaerici, disproportiones spatii vasorum

majorum etc. Accurata aetiologiae unius cujusque casus concreti disquisitio medico attento simul remedia idonea, indicationi causali respondentia monstrabit.

Summi momenti in therapiam exserit character aut activus (sthenicus vel nervosus) aut passivus haemorrhagiae.

Character activus sthenicus postulat methodum antiphlogisticam, secundam normam in phlogosis statutam. Amotio plethorae et congestionis haemostaticae simul agit. Non raro depletiones sanguinis per phlebotomiam in casu urgente usque ad manifestationem debilitatis circuli, usque ad imminentem lipothymiam, amplo vulnere, largo flumine efflagitantur. Phlebotomia congestionem minuendo et revulsiva simul ratione agit; praeliguntur passim venae brachiales, unde sufficiens sanguinis quantitas certissime et citissime est adipiscenda; solummodo ubi finis therapeuticus revulsionem versus inferiores corporis partes desiderat v. g. in haemorrhagiis ex oppressis menstruis, haemorrhoidibus, vena in pede secatur.

Depletiones sanguinis topicae momento vehementis haemorrhagiae non quadrant; idoneae nonnisi se exhibent tamquam remedium prophylacticum in haemorrhagiis habitualibus scopo revulvivo et ad tollendam hyperaemiam consecutivam haemorrhagiarum comitem.

Nec unquam in proxima organi congestionem correpti vicinitate hirudines seu cucurbitae cruentae majori adhibeantur copia, quum inde excitata irritatio congestionem augere possit. Fracta in haemorrhagiis sthenicis plethora vel congestionem ope sanguinis detractionis, hujus effectus remediis antiphlogisticis ceteris adjuvetur, interne porrigatur nitrum, sales medii, prae ceteris vero digitalis, quae circulum debilitat, in nervos, circulationis apparatus simulque in orgasmum nervosum compescendo atque urinae secretionem adaucta derivando agit.

Ubi causa congestionis methodo revulsiva eget, adhibenda sunt rubefacientia, purgantia, diuretica, quibus jungatur diaeta antisthenica et summa quies tam somatica, quam psychica.

Sub nervoso - activo caractere haemorrhagiae depletiones sanguinis nonnisi summa cum cautela sunt instituendae, nam licet nonnumquam levamine coronentur momentaneo, frequentius tamen debilitas summa, febris hectica, hydrops easdem excipit. —

Summam sibi vindicant sub hoc nervoso orgasmo dignitatem: applicatio frigoris in lotionibus, fomentationibus, potulentis et enematribus frigidis, tum acida mineralia, praeterea medicamina sedativa, uti Opium et alia narcotica; Borax quam maxime laudatus, verum antihaemorrhagicum in hocce haemorrhagiae caractere sistit.

Ad remedia haemostatica quae utrique activo et passivo characteri respondent, referuntur: Ipecacuanha dosi refracta, Saccharum Saturni, Secale cornutum etc. Unice in haemorrhagiis passivis adstringentia sunt dirigenda: Admodum numerosa sunt haecce medicamina, quae tam sola, quam semet ipsi vario modo juncta adhibentur.

E numero horum Gallae quercus, Bistorta, Tormentilla, Ratanhia, Alumen, Gummi Kino, Catechu, Oleum Terebinthinae, Cortex Quercus, Praeparata ferri, Vitriolum Martis etc. praestantiora censenda.

In haemorrhagiis singulorum organorum quaedam medicamina specifica gaudent virtute, sic Murias Sodae Haemoptoe, fomenta frigida in testiculos, epistaxi, tinctura Cinamomi et Sabina Metrorrhagiae sistendae paria cernuntur.

Residua ex haemorrhagia irritabilitas systematis vasorum non Digitali aut aqua Laurocerassi, ast diaeta leni, restaurante, ad praeparata ferri pedetentim ascendendo tollatur.

In reconvalescentia origo haemorrhagiae, character

ejus sthenicus, nervosus, aut asthenicus therapiam dirigunt. In genere evitetur omnis in diaeta error, praecipue vero ingestio molis majoris ciborum; summopere evitentur irritantia fortiora, animi pathemata excitantia, aestus nimius aut frigus intensum et mora in locis hominibus justo plus refertis.

Ipsa quoque individua sanguine ditiora haemorrhagiis saepius repetitis in veram concidunt debilitatem, quae restorationem organismi lento procedentem passu exposcit, cui inservit aër ruralis, itinera in regiones climatis temperati aequabilis, balnea frigida, diaeta quidpiam tonica, motus corporis non exaestuantis viribus adaequati, tandem tonica fortiora.

Frequenter haemorrhagia activa sanguinis evacuationes itentidem repetendas parcas exigit, ad praepediendam haemorrhagiae recidivam. Ast semper memores sinus ejus dati experientiae abusu vaenesectionum tandem arte productam continuo adaugendam plethoram cum satellitibus suis, irritabilitate notabiliter adaucta, nutritione manea, orgasmis etc. produci.



THESES DEFENDENDAE.

I.

Nunquam haemorrhagia morbus substantivus, sed semper effectus aut symptoma alius.

II.

Non tantum in secretis, verum in ipso sanguine reapse adsunt acrimoniae.

III.

Datur plethora cacochyma.

IV.

Suprema omnis vitae particularis lex est: lex oppositionis dynamicae.

V.

Lipoma, Melanosis, Enchodroma, Scirrhus, fungus medullaris, fungus haematodes quoad essentiam haud differunt.

VI.

Diathesis lythiatica etiam endemice occurrit.

VII.

Caries und Necrose verhalten sich zu einander, wie Krankheit und Heilung.

VIII.

Feminis major in psychoses pronitas.

IX.

Praecauta inspiratio profunda et repentina, non vero multopere complicati apparatus ingressum aëris sub paracenthesi thoracis praepediunt.

X.

Relatio reciproca impeditas inter et vicariantes secretiones non semper materialis.

XI.

Tota homaeopathia consistit primo in diaetae moderamine, secundo in umbrosa i. e. nulla medendi ratione, tertio in coeca hominum fide.

XII.

. aber tröstlich und höchst erfreulich ist die Bemerkung, daß bei allem Wechsel der Systeme, bei den größten Verirrungen der Schule sich noch immer der Sinn für wahre Kunst in den Gemüthern Einzelner erhält. (Hufeland).

XIII.

Tenotomia in Strabismo valoris relativi.

XIV.

Criseos productum non est ipsa materia peccans eliminata.

XV.

Nonnunquam ea est genii epidemici ratio, sub qua morbo normales crises vix, ast plerumque pseudocrises vel contingunt, vel contingere minantur.

XVI.

Pollemus medicaminibus nonnullis, quae specifica pharmaco-dynamica ratione erga certos nervos gaudent.

XVII.

Non omnis facie praevia partus artificialiter peragendus.

XVIII.

Hypertrophia textus aut organi cujusdam numquam in auctis omnibus ejusdem partibus constituentibus; ast nonnisi in aucto eidem proprio plasmate consistit.

XIX.

Non omne ulcus ex dyscrasia.

XX.

Gesunde Zähne und eine dauerhafte Gesundheit des Körpers hängen innigst zusammen.

